

ORA CU DOUANE MERICANO BINI ARUBA NAN LO YUDA CU CONTROL TAMBE NA AEROPUERTO

ORANJESTAD (AAN): Manera ta conoci, e meta di e bishita di e delegacion Arubano na Hulanda, tabata pa introduci e Gobierno nobo di Aruba na e Gobierno nobo di Hulanda. Den e cuadro aki a tuma lugar diferente reunion importante cu autoridadnan Hulandes.

Un di e prome reunionnan importante di Prome Minis-

tro Henny Eman tabata cu Reina Beatrix, den cual extensamente a trata e posicion di Aruba y e ultimo desaroyonan importante di e isla aki.

DOUANE MERICANO NA ARUBA

E siman aki a tene un reunion cu Ministro di Relacionnan Exterior, esta Hans van

Mierlo. Presente di banda di Aruba tabata e Ministronan mr. Henny Eman, Watty Vos, Glenbert Croes, y mr. Mito Croes, hunto cu secretario di Consejo di Ministronan y tambe algun consehero di Gobierno.

E punto clave pa Aruba cu a worde discuti tabata e tratado cu lo worde firma dia 2 di December venidero na Washington.

E tratado aki ta encera cu dentro di corto tempo, Aruba lo conoce e Douane Mericano (U.S. Customs) riba tereno di Aeropuerto Internacional Reina Beatrix. E iniciativa cu a worde tuma na 1987 door di Gabinete Eman I, awor ta worde finaliza.

DIARIO mester bisa aki cu porfin Aruba lo tin su "Pre-Clearance", loke sigur lo ta un estimulo pa sector turistico pa loke ta trata turistanan Mericano y alavez ta muestra e seriedad di Go-

bierno di Aruba pa combati traficacion di droga cu presencia di Douane Mericano pa control na Aeropuerto.

Esaki ta encera tambe cu e presencia di Douane Mericano na Aruba ta exige un parti grandi di e Aeropuerto nobo cu lo cuminsa construcion na comienzo di otro aña.

PRESONAN CU TA DEN EXTERIOR

Un di e topiconan importante, cu segun DIARIO a compronde tambe a worde discuti na Hulanda, ta e asunto di traspasa presonan extranhero.

Esaki a ser discuti cu Ministro di Relacionnan Exterior van Mierlo di Hulanda, y esey tabata pa yega na tratadonan cu lo haci posible cu Aruba lo por traspasa presonan cu ta sentencia na Aruba y encarcela na Prison di KIA, pa pasa nan castigo

na nan propio pais.

STUDIANTENAN ARUBANO

E siman aki tambe a tuma lugar na Utrecht un encuentro entre e Ministronan di Aruba y e studiantenan Arubano. Esaki tabata un iniciativa di un grupo di Studierende di Utrecht.

E tabata un anochi di intercambio di idea y di informacion. Un cantidad grandi di estudiante a participa na e anochi aki. E tabata un anochi di discusion na nivel hopi halto, unda cu a sobresali e atencion di e studiantenan Arubano pa loke ta pasando na Aruba.

Tanto e studiantenan como e Ministronan di Aruba a considera e anochi aki sumamente fructifero. Remarcable tabata e interes grandi di e studiantenan pa e desaroyo politico di nan pais.

Den caso di Lotto pa Deporte

DOCUMENTONAN PERDI POR FIN A WORDE HAYA

ORANJESTAD(AAN) -- Manera DIARIO a publica, tin un investigacion profundo ta andando na Lotto pa Deporte, caminda diferente persona ta suspendi.

Ministro Lili Beke a duna di conoce cu awor e investigacionnan ta den e fase final. E motibo cu e investigacionnan a tarda asina tanto ta debi na e hecho cu documentonan importante a dispare.

Despues di hopi esfuerzo a bin haya e documentonan aki na diferente lugar, en todo caso no na Lotto pa Deporte caminda realmente nan mester ta.

Investigacion lo muestra ki

SINTERKLAAS

LO YEGA NA CLUB PRIMAVERA TAMBE

ORANJESTAD (AAN): Riba Diadomingo 4 di December, e homber santo di Spaña y su ayudantenan lo bishita e cede di Asociacion Social Cultural Portuguesa, na Primavera. Esaki lo ta pa 5'or di atardi.

Sinterklaas y su Zwarte Pietnan ta bini yen di regalo y mangel pa tur e bon muchanan.

Mayornan cu kier pa nan yiunan participa na e evento aki, por tuma contacto cu Yvonne na 24115 (fax: 30611) prome cu 1 December 1994.

JALOERSHEID CU TERUGWERKENDE KRACHT!!!

